





DIE IV. JULII.

MISSA

IN FESTO

S. JOSEPHI CALASANCTII CONFESSORIS.

Introitus Ps: 33. v. 11.

Venite filii, audite me, timorem Domini docebo vos. Benedicam Dominum in omni tempore, semper laus ejus in ore meo.

Gloria Patri &c. Venite filii &c.

Orémus

DEUS, qui per Sanctum JOSEPHUM Confessorem tuum ad erudiendam spiritum intelligentiæ, ac pietatis juventutem, novum Ecclesiæ tuæ subsidium providere dignatus es; præsta quæsumus, nos ejus exemplo, & intercessione ita facere, & docere, ut præmia consequamur æterna. Per Dominum &c.

Commemoratio SS. Ap: Petri & Pauli.

Lectio Libri Sapientiæ.

Cap: 10.

Justum deduxit Dominus per vias rectas, & ostendit illi Regnum Dei, & dedit illi scientiam Sanctorum, honestavit illum in laboribus, & complévit labores illius. In fraude circumvenienti-

um

um illum adfuit illi, & honestum fecit illum. Custodivit illum ab inimicis, & a seductoribus tutavit illum; & certamen forte dedit illi, ut vinceret, & sciret, quoniam omnium potentior est Sapientia. Hæc venditum justum non dereliquit, sed a peccatoribus liberavit eum, descenditque cum illo in foveam, & in vinculis non dereliquit illum, donec afferret illi sceptrum Regni, & potentiam adversus eos, qui eum depri-mebant; & mendaces ostendit, qui maculaverunt illum, & dedit illi claritatem æternam Dominus Deus noster.

Graduale Psal: 36. Os justi meditabitur sapientiam, & lingua ejus loquetur judicium

V. Lex Dei ejus in corde ipsius, & non supplantabuntur gressus ejus. Alleluja alleluja.

R. Jacob. Cap: 1. Beatus Vir, qui suffert tentationem, quoniam cum probatus fuerit, accipiet coronam vitæ. Alleluja.

† Se-

✠ Sequéntia S. Euangélíi se-
cúndum Matthæum. cap: 18.

IN illo témpore: Accessérunt
Discípuli ad Jesum dicéntes:
quis putas, major est in Regno
Coelórum? Et ádvocans Jesus
párvulum státuit eum in médio
eorum, & dixit: Amen dico vo-
bis, nisi convérsi fuéritis, & effi-
ciámini sicut párvuli, non in-
trábitis in Regnum Coelórum.
Quicumq; ergo humiliáverit
se sicut parvulus iste, hic est
major in Regno Coelórum, &
qui suscepit unum párvu-
lum talem in nómine meo,
me súscipit. Credo.

Offertorium Ps: 10. Desi-
derium pauperum exaudivit
Dominus: præparationem
cordis eorum audivit auris tua.

Se-

Secreta.

ALtare tuum, Domine, mu-
neribus cumulamur o-
blatis, ut ejus Nobis fiant sup-
plicatione propitia, cujus Nos
donasti patrocínio adjuvari.
Per Dominum &c.

Præfatio de Apostolis.

Communio. Marci Cap: 10.

Sinite parvulos venire ad
me, & ne prohibueritis eos:
talium est enim Regnum Dei.

Postcommunio.

SANCTIFICÁTI, Dómine salutá-
ri mystério quæsumus, ut
intercedente Sancto JOSE-
PHO Confessóre tuo, ad
majus semper proficiámus
pietátis incrementum. Per
Dóminum nostrum JESUM
Christum &c.

DECRETUM

SANCTISSIMUS Dominus Noster Clemens Pap. XIV. ad supplices complurium Episcoporum, nec
non P. Procuratoris Generalis Ordinis Clericorum Regularium Pauperum Matris DEI
Scholarum Piarum preces, Officium de comm. Confessoris non Pontificis, cum Oratione & Le-
ctionibus Secundi & Tertii Nocturni, ac Missa propriis, Sancti Calasandii à Matre Dei
dicti Ordinis Fundatoris, aliás à Sac: Rituum Congregatione approbatis, ab omnibus tam
Secularibus, quàm Regularibus, utriusq; Sexús Christi Fidelibus, qui ad Horas Canonicas
tenentur, quotannis die vigesima Septima Augusti, sub ritu duplici minoris recitari, ac respe-
ctivé celebrari præcepit. Die 19. Augusti 1769.

REGNI POLONIÆ & MAGNI DUCATUS LITHVANIÆ.

SACRORUM Rituum Congregatio enixis precibus, Serenissimi Regis Polonia, Reveren-
tissimorum Archi Episcopi Gnesnensis Primatis, non nullorumq; Episcoporum præfati
Regni, etiam Sacra Congregationi porrectis, ad relationem Eminentissimi & Reverendissi-
mi Domini Cardinalis Albani Episcopi Sabiniensis Ponentis, benignè annuens, concessit &
Festum S. Josephi Calasandii Clericorum Regularium Pauperum Matris Dei Schola-
rum Piarum Fundatoris cum Officio & Missa propriis, jam sub die 19. Augusti 1769.
Ecclesie Universalis, die 27 ejusdem Mensis Augusti celebrandum, in post-erum ab omnibus
Christi Fidelibus, tam secularibus quàm Regularibus, utriusq; Sexús, qui in Regno Po-
loniæ & Magno Ducatu Lithvanie ad Horas Canonicas tenentur, ad diem quartam Julii
posse transferri. Die 9. Decembris. 1769. Fl. Cardinalis Chisius Præfectus.

V. Macedonius S.R.C. Secretarius.

Roma MDCLXIX. Ex Typographia Reverenda Camera Apostolica.
Imprimatur, JGNATIUS BIENKOWSKI C. C. C. Judex Surrogatus.

4115

162

II. H. 162

X. III. 48



570 Bibliotheca 90005.
P. Camaldulensium in Bielany

Depozyt w Bibliotece Jagiellońskiej



07898

